

<b>Ministry of Education competency area</b>	<b>Merimeri Anania – ACC 396</b>
<b>Te Tiriti o Waitangi</b>	<p>Nā ngā mōhiotanga whānui o te Tiriti o Waitangi, noho whakaiti ana a Merimeri ki te āwhina, ki te tūtuki hoki i ngā manako o tēnā hapū, o tēnā iwi mā te:</p> <ul style="list-style-type: none"> <li>● Mōhio whānui ki ngā take o ngā hapū/iwi, o mua o ināianei hoki, ki ngā hītori Māori o te wāhi, ki ngā taukumekume ki te Karauna me ngā pānga o te whakapākehātanga ki a rātou.</li> <li>● Hono atu ā tinana nei, ā wairua nei hoki ki te whenua, ki te wāhi ngaro, ki a rātou mā kua whetūrangitia hei tūtakitakitanga o ngā kaitiaki o Merimeri hei manuhiri ki aua rohe.</li> <li>● Whakahaere i ngā awheawhe whakangungu kaiako mō te Tiriti o Waitangi, te Treaty of Waitangi, te Whakaputanga hoki, ngā hononga ki 'Ka Hikitia' me ngā pukapuka maha o Te Tāhūhū.</li> <li>● Whakaatuhia ngā take taumaha o te wā a te Māori (kaikiritanga, te whakapākehātanga, te pōharatanga, ngā raraunga whānui a te Māori i roto i te hauora, te mātauranga, te rawakore, te mahikore, te mauhere tangata te aha noa atu) hei tirohanga mō te Pākehā i te kore mana ōrite a te Māori ki te Pākehā.</li> <li>● Ahakoa he nui ngā akoranga ka puta, ko te wero nui ia me pēhea te Pākehā rā te kawe aua mōhiotanga ki roto i tōna ake ao me pēhea hoki ki te whakanui i te mana o te reo Māori hei reo tuatahi o Aotearoa, hei reo whai mana e te Kawanatanga.</li> </ul>
<b>Kaupapa Māori</b>	<p>He kaha a Merimeri ki te:</p> <ul style="list-style-type: none"> <li>● Whakanui i te mana o te reo Māori hei reo tuatahi o Aotearoa, hei reo whai mana e te Kawanatanga. Kei te whakaako a Merimeri i ngā kaiako i roto i ngā kura reo Pākehā ki te whakaako me te ako i te reo Māori hei reo tuarua. Pērā anō āna mahi ki te taha o ngā kaiako i roto i ngā kura reo Māori.</li> <li>● Āta mahitahi ki ngā kaiako, ngā kaihautū rānei o ngā kura reo Māori, reo Pākehā hoki ki te whakapiki i te reo matatini, i te mahi whakaako hoki a ngā kaiako. Ko te hāpai i ngā whānau ki te tūtuki ā rātou wawata mā te waihanga i a rātou ake marau-ā-kura, ki te tautoko a rātou tū hei whānau motuhake atu i ngā whānau Pākehā, ki te kōtuitui ā rātou wāwata ki ngā hiahia o te Tāhūhū, o te kura whānui rānei;</li> <li>● Mōhio a Merimeri ki te kōrero i te reo Māori me te whakahaere i a ia anō i roto i ngā hui Māori ahakoa he ha te kaupapa.</li> <li>● Whai māramatanga me te whakamahi i ngā pukapuka o te Tāhūhū me ōna hononga ki ngā whakaarotau o te wā, pērā ki TMoA, Tū Rangatira, Rukuhia Rarangahia, Ka Hikitia Ka Hāpaitia, Ngā Tikanga Matatika Ngā Paerewa, Te Anga Pūmanawa Hautū Mātauranga, Tātaiako, Tapasā, NZC te aha noa atu;</li> </ul>

<p><b>Critical Consciousness</b></p>	<p>He pūkenga tā Merimeri:</p> <ul style="list-style-type: none"> <li>● Mā te whakaputa kōrero i taua wā tonu mehemea kei te rongu ki ētahi kōrero whakaiti. Mehemea ko Merimeri tērā e whakaiti ana i runga i te kore mōhio ko te tūmanako ia, ka taea e ngā kaiwhakarongo te whakatika hoki i a ia.</li> <li>● Mā te āta mārama hoki a Merimeri ki ōna ake whakaaro whakaiti tangata, me te whai wāhi atu he aha i pērā ai.</li> <li>● Mā te mōhio me te mārama ki ngā ahurea me ngā tikanga o te tangata, ka ngana ki te nohotahi ngā tikanga o tēnā, o tēnā ahakoa he rerekē ki tō ake.</li> <li>● Mā te mārama ki whea ai ngā kaiako i a rātou haerenga mā tēnei huarahi ka mōhio a Merimeri me ahu pēhea ana. Mā te mahitahi me te akiaki i a rātou ki te arotake i a rātou anō ka kitea mehemea kei te reri anō rātou mō ngā akoranga hōu.</li> </ul>
<p><b>Whakawhāiti - <i>Inclusion</i></b></p>	<p>Ka matua mōhio a Merimeri ki ngā kaiako kātahi ka whakarite ia i tana awheawhe kia hāngai atu ngā ngohe me ngā akoranga ki ngā taumata o ngā kaiako. E mārama ana a Merimeri ko te tikanga o te kanorautanga ko te mōhio me te mārama he rerekē, he kanorau ngā āhukatanga o te mana ka pā ki te tangata ahakoa ko wai ia. He tātai whakapapa, he tātai wairua tō te tangata e hono atu ana te hunga tangata ki te hunga wairua. Nō reira me tiaki, me manaaki, me poipoia. Te kaha hoki a Merimeri ki te mahitahi, mā te mahitahi, mā te whakawhanaunga, mā te mōhio ki ngā āhukatanga o ngā kaiako, mā te mārama ki ngā mātea, ngā hiahia, ngā manako hoki o te hunga akoako, te whānau, te hāpori a wai rānei ka ea ai ngā hiahia.</p>